

## SABIHA AZRA KANTARDŽIĆ

rođena je 27. septembra 1950. godine u Gračanici, općina Visoko. U Sarajevu je pohađala Prvu klasičnu gimnaziju i Filozofski fakultet (grupa arapski jezik i književnost i engleski jezik) na kojem je diplomirala 1975. godine.

Od aprila 1975. godine radila je u Gazi Husrev-begovoj biblioteci kao bibliotekar. Tokom svog angažmana bavila se uglavnom katalogizacijom knjiga na evropskim jezicima. Pored osnovnog posla na obradi monografskih publikacija, povremeno je bila angažirana i na drugim poslovima kao što su: razmjena publikacija Gazi Husrev-begove biblioteke sa ostalim bibliotekama u zemlji i inostranstvu, prevođenje sa engleskog jezika i obratno, izrada bibliografija, rad na kolekciji fotografija, i dr.

Od 1994. godine je bila aktivan član Društva bibliotekara BiH. Učestvovala je na mnogim sastancima i seminarima za bibliotekare od kojih je značajno spomenuti: Seminar o bibliotekarstvu iz 1980. godine u Beogradu, 64. generalna konferencija IFLA-e u Amsterdamu 1998. godine, te nekoliko seminara u Nacionalnoj i univerzitetskoj biblioteci BiH.

Penzionisana je u apilu 2015. godine nakon 40 godina rada u ovoj ustanovi. Za dugogodišnji rad u Islamskoj zajednici, odnosno Gazi Husrev-begovoj biblioteci, dobitnica je priznanja iz 2007. i 2016. godine.

U izdanju Gazi Husrev-begove biblioteke 2007. godine objavljena joj je publikacija *Bibliografija Novog Behara*, a originalne radove, prijevode sa engleskog i arapskog jezika objavljivala je u *Analima Gazi Husrev-begove biblioteke*, *Islamskoj misli* i *Preporodu*.